

DOA QUNUT SEMASA WITIR

DOA QUNUT WITIR

اللَّهُمَّ اهْدِنِي فِيمَنْ هَدَيْتَ، وَعَافِنِي
فِيمَنْ عَافَيْتَ، وَتَوَلَّنِي فِيمَنْ تَوَلَّيْتَ،
وَبَارِكْ لِي فِي مَا أُعْطَيْتَ، وَقِنِي شَرَّ مَا
قَضَيْتَ، إِنَّكَ تَقْضِي وَلَا يُقْضَى عَلَيْكَ،
إِنَّهُ لَا يَذِلُّ مَنْ وَالَيْتَ، وَلَا يَعْزُّ مَنْ
عَادَيْتَ، تَبَارَكْتَ رَبَّنَا وَتَعَالَيْتَ، لَا
مَنْجَى مِنْكَ إِلَّا إِلَيْكَ.

“Ya Allah, tunjukkan kepadaku sebagaimana engkau berikan petunjuk (kepada selainku), berilah kesejahteraan sebagaimana Engkau berikan kesejahteraan (kepada selainku), jadikanlah aku waliMu sebagaimana Engkau jadikan (selainku) sebagai wali, berilah keberkatan kepadaku pada semua pemberianMu, lindungilah aku daripada keburukan takdirMu. Sesungguhnya Engkau mentakdirkan dan tidak ditakdirkan. Sesungguhnya tidak akan hina orang yang Engkau tolong dan tidak akan jadi mulia orang yang Engkau musuhi. Maha Suci dan Maha Tinggi Engkau. Tidak ada keselamatan daripada (azab) Engkau melainkan dengan kembali kepadaMu.”

Sahih. Riwayat Imam Ahmad dan yang lain.



PUSAT PENGAJIAN TADABBUR AL QURAN



• Hukum-hakam DOA QUNUT WITIR:

1. Hukumnya sunat; bukan wajib. Jika tidak membacanya solat tetap sah. Dan tidak perlu sujud sahwi;
2. Dilakukan pada rakaat terakhir SOLAT WITIR sebelum rukuk atau selepasnya;
3. Dianjurkan bagi imam dan makmum mengangkat kedua-dua tangan dengan menghalakan telapak tangan ke langit;
4. Membaca secara kuat (jahr);
5. Makmum mengaminkan bacaan doa imam dengan lafaz 'amin';
6. Kadang-kala setelah membaca DOA QUNUT WITIR di atas boleh ditambah dengan bacaan selawat ke atas Nabi ﷺ.

Sabda Nabi ﷺ :

“Sesungguhnya ALLAH Maha Hidup lagi Maha Mulia malu jika seseorang itu mengangkat kedua-dua tangannya kepadaNya serta memulangkannya dalam keadaan kosong yang tidak membawa hasil.”

Sahih. Riwayat Tirmidzi.